


170 797

1



QUÆSTIO MEDICA

QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 4. Februarij.

M. CLAUDIO QUIQUEBEUF

DOCTORE MEDICO, PRÆSIDE.

An diabete lac Asininum?

I.

RENES consulto ac solertiori naturæ ductu sunt conditi; natura siquidem stupendo haud satis singula apponit ordine, citra quem ne ipsa constiterit quidem, imo facultatis formatricis mente ac intelligentia, quæ debito membrorum situ partium universi corporis cuilibet sedem adscribens, æqua lege insignes sortitur & imas. Renes (inter illustres & infimas ambigu) etsi iniquo sui positu, nec ita à sordidioribus ac infimæ sortis partibus longè diffito, ipso intestinorum ac vesicæ confinio, communique quod cum ea illis est feri deponendi officio, non ita elucescant, densiori ac pene informi quam circumferunt carniū mole, sui cultu, nec ita niteant, ut inde hos nullius tibi fingas dignitatis ac præstantiæ; imo vasis opprobrij ac contumeliæ annumeres: tanti tamen ponderis est his demandata provincia, ut, si quid in ea deliquerint, innumera sui sobole pubescens malorum Ilias inde dimanet: feri in fauces illapsu, tussis, angina, catarrhus; in thoracem depluvio, dyspnœa, asthma, orthopnœa; in partes superas excursu, coma, convulsio, apoplexia; desultoriâ sui oberratione, pleuritis, rheumatismus, arthritis.

RENUM structura etsi à veteribus rei anatomicae viris acuto minus penicillo adumbrata fuerit, quam ut huic quidpiam ab eis decoris accesserit ac ornamentum : quin imo tantum ei laute suppellectilis dempserint, quantum eos particularum notitia, quae hanc adornant, fugerit : interna tamen à recentioribus expressè delineata, horum concinnatio in aquae ductum, vel ea extracta arte ut actioni concinna figura, hos instructissima seri secernendi, ejusque deponendi in vesicam organa loquitur : illius vili officio in lotium abituri, secernendi copiam apprimè explicat definitque potus ; ut, quod consuetam excretionem superat, id immoderatum habeatur effluvium, an id quoque præter naturam ? *πρεσβύλας* profecto decernentis naturae puta quandoque indices, vindices plerumque lacescentis serosae illuviei interpretes, quarum nonnullae quanquam perpaucae, præmaturè ægrotantem de medio tollunt ; harum numero eam, quae diabetem committit, adscriptam existimes velim, in qua potus talis meitur, qualis sumptus est, urinae tenues, aquae sunt & crudae, proindeque ad ametriam in excreto pertinet illud immoderatum effluvium.

III.

STUPENDUM certè sui raritate haud satis ostentum, sui pravitate, vel majoribus hostiis expiandum, sui contumacia vel supra herculeum morbi genus, sacrum, occultum, divinum, diabetes diuturna me hercle affectio, in exortu longè difficilior cognitu, sæva tamen haud inde ac minus crudelis ; imo hoc crudelior, quo sui protractione acerbiorum vitam reddat ægrotantis ac ærumnosam, ut actis sensim cuniculis adrepens lento ac altè petito invadendi quem amat pro ludo, ipsi ægrotanti blandius illudat ne ullo quidem adhuc micante, horum quae diabetes typum graphicè effingunt, symptomate ; scilicet quam ne copia lymphæ finiat dira bibendi cupidine (cujus injuria, hydrops ad matulam diabetes vocatur) quam ne liberalior sequanæ potus extinguat, exurentem siti, quam ne vesicæ longè firmior strictiorve appositae comprimant fibula, efferratori meiendi cupiditate. quis morbus ? Præservida viscerum intemperies, quandoque febri malignæ succedanea, vel accensæ pravae bilis putredini, quando-

799

3

que præsteris, qui idem est cum dipsade, ex morfu venenoso ac acerrimo oritur. num symptoma?

IV.

QUID QUID sit, tantus est variæ ac multiplicis causæ in dipsaci procreationem concursus, ut gravioris morbi non modo sed & genus miserabile lethi fuerit: calor siquidem viscerum ita sanguinem deurit, ut rupto cum cæteris humoribus foedere, blandioris sui in asperiores commutata indole, soluta sui compage, totus in serum lique scat: primas in procreando diabete tenet attractricis robur eximium, è toto corporis habitu serum avidius rapiens; ita ut eo defraudatæ partes exarescant, unde insignis totius corporis marcor, tandemque tabes mortis internuntia, absumpto humidi primigenij à calore incendiario nectare vivifico; quod ne lapillo- rum quidem, quibus pretium nomen dedit, usus, nec aurum potabile resarcire valet, nec ipsa quæ haud ferendo fastu inerti plebeculæ fucum faciens chemia cælorum arcana torque- re jactitat, fato functos ab orci faucibus evocare, fata morari falso prædicat; proinde digni sunt chemici, qui cum strigibus in longè distitas terras abeant, & illuc revertantur unde ma- lum pedem huc attulerunt.

V.

IN tanta morbi gravitate, quæ ad summum ad auctis sin- gulis, quæ diabete comitantur, symptomatis, ad extre- mum vitæ discrimen ægotans adducitur. generosis indiget diabetes præsidii, venæ sectione potissimum, verum parca manu, pro virium modulo ægotantis, celebrandâ, sæpius- culè repetendâ, itemque blandiusculâ purgatione ex astrin- gentibus concinnatâ, eodem modo in praxim revocanda, ad contemperationem partium æstu conflagentium, revulsio- nem, atque humorum pravorum intemperiem foventium educationem: ejus dotis creberrima enemata alterantia erunt frigida & astringentia qualia sunt cichoracea, plantago, nym- phæa, lactuca, sempervivum majus, rosæ rubræ, halica- cabus, semina frigida minora, papaveris albi, fantala, coral- li quodlibet genus, quibus retentricis facultatis imbecillitati, quæ nequaquam effrangi sero habenas injicere valet, robur addatur; quibus administratis omne feret punctum lac asini-

num, quod est *δ'χμων πολύτερον, διαλλοιώτων, αμώδυνον εύανδύτον*, tabidis maxime conveniens; quod, præter eam quæ illi cum alio quolibet lacte communis est, facultatem, ut in alimentum cedat propter succi bonitatem, medicamenti etiam vices gerit nativa sui temperie, quam fortitur ab animali à quo cætera frigidiori emulgetur, facili sui in partes alendas distributione, incendij quo viscera & renes conflaurant extinguendi eximia dote, caleosâ sui substantiâ, quoniam *απομοιομερές* est, sanguinem inspissat; serosa capillares mesaræi & jecinoris venas, à mucosis recrementis contumaces infarctus committentibus, detergendo liberat. Sic abeunte marcore ejus beneficio, quæ laxior nuper erat ac soluta carniū moles in succulentam assurgit, qui genas suave rubens fugiebat lactei coloris admixtione rolarum recurrit purpurissimus.

Ergo diabeti lac Asininum.

DOMINI DOCTORES DISPUTATURI.

M. Carolus de Laval.

M. Dionysius Dodart.

M. Dionysius Puyton Decanus.

M. Ioannes Baptista de Revelois.

M. Edmundus Charrier.

M. Raphaël Maurin.

M. Gilbertus Puyton.

M. Nicolaus Brayer.

M. Guido Patin Professor Regius.

Proponebat Lutetiæ FRANCISCUS BAZIN,
Constanciensis, A. R. S. H. MDCLXXII.

PARISIIS,

Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.